



## Universitätsbibliothek Paderborn

### **Historiae Ecclesiasticae Pars ...**

HISTORIAE EC||CLESIASTICAE PARS || PRIMA, QVA CONTI-||NENTVR ||  
Eusebij cognomento Pamphili Cæsareæ Palæ-||stinæ Episcopi lib. 10.||  
Eiusdem de vita Constantini magni lib. 4.|| Oratio Constantini magni ad  
sanctoru[m] cœtu[m].|| Oratio eiusdem Eusebij in laudem Constanti-||ni  
magni ad trigesimum ...

**Christopherson, John**

**[Köln], 1569**

De Apphiano Martye. Cap. XIII.

**urn:nbn:de:hbz:466:1-29861**

## EVSEBII HISTORIAE

declararunt eos, qui in vero Dei omnium rerum fabrica-  
toris cultu gloriantur, violentas iinimici ferarū incur-  
siones, nequaq; formidaturos, Vnde prosector tuus ip-  
sum præsidem, tum illos, qui cum eo erant, in repentinā  
admirationē traducētes, extēplo in carcerē cōtrudūtur.  
Non multis diebus post, alii duo fuere in eorum nume-  
rum ascripti: vñus, qui acerba & varia tormenta propter  
fidei suæ confessionē variis temporibus ostentata, antea  
exhaustisset, Agapius nomine: Alter qui res ad corporis  
vñsum necessarias illis Martyribus subministrasset, Dio-  
nysi⁹ appellatus. Omnes isti, octo numero, vñoidie, népe  
vigesimo quarto mensis Dystri, hoc est ad nonū Calen.  
Aprilis in ipsa Cæsarea securi percussi obiunt. Per idem  
tempus duo ex imperatoribus, quorum alter primum ac  
summum imperii gradum, alter secundum post illum ob-  
tinebat, ad priuatam quandam vitæ rationem se transstu-  
lerunt. Atq; respub. langescere & ægra esse cœpit. Pau-  
lo post, imperio Romano contra se dissentiente, bel-  
lum graue & acerbū inter ipfos imperatores mutuo ex-  
citatur: neque seditio ac tumultus in ea commotus prius  
sedatus fuit, quam pax aduersum nos in vniuersis orbis  
partibus, quæ Romano paruere imperio, firma constitu-  
eretur. Nam simul ac illa omnibus, instar lucis cuiusdam  
**ex tenebris** & obscura nocte exorta fuit, communis  
imperii Romani status iterum ad stabilitatem, amicitiam,  
& pacem restituitur, mutuamque concordiam, quam à  
maioribus acceperat recuperavit. Verū de his rebus  
copiosius differendi, est aliud tempus magis opportu-  
num nobis reseruatum. Iam vero ad ea quæ sequuntur  
pergamus.

*De Apphiano Martyre.*

CAP. XIII.

**M**aximinus Cæsar, qui suis ipsis viribus ac manu  
imperium occupauerat, perspicua odii & impieta-  
tis erga Deum animo suo tanquam naturaliter in-  
sitæ & innate indicia, omnibus commonistrans persecu-  
tionem magis generalem quam superiores imperatores  
contra nos instituit. Proinde cum perturbatio & con-  
fusio

fusio non exigua illa quidem, omnibus impenderet, &c  
 alii, in alia loca essent dispersi, seduloque periculum eui-  
 tare studebant, & grauis commotio ubique passim per-  
 uaderet, quæ orationis & dicendi facultas ad diuinum  
 amorem & libertatem in fidei in Deum confessione, beatū  
 Martyris Appiani digne explicandam, satis idonea re-  
 periatur? Qui quidem in festo, quo gentiles Hecate sa-  
 crificare solent, omnibus Cæsareæ ciuibus admirabile  
 suæ in Deum solum pietatis exemplar proposuit cōtem-  
 plandum, neque tamen adhuc vigesimum ætatis suæ an-  
 num egit. Qui primum Beryti, quò liberalibus humani-  
 oris literatūre disciplinis eruditoretur (quippe fuit paren-  
 tibus, qui mundi diuiniis affatim circumfluebant ortus)  
 longo tempore commoratus, incredibile dictu est, quo  
 pacto in tali tamque vitiōsa & corrupta ciuitate, iuueni-  
 lium cupiditatū impetus penitus deuicerit, & neq; præ  
 ætatis flore, quo iam corpus viguit, neque præ familia-  
 ritate & necessitudine adolescentiolorum, quibus cum  
 vixit, mores depravatos combiberit, sed temperantiam  
 amplexatus, modestè, sobriè, & piè secundum eam religi-  
 onem, quæ est Christianorum propria, vitam traduxerit  
 institueritque. Quod si patriæ illius mentionem facere  
 oporteat, & illam ob istum generosum pietatis athle-  
 tam ex ea editum ornare, hoc plane efficiemus, nec im-  
 merito. Si quis igitur Pagas Lyciæ non obscuram sane  
 ciuitatem norit, inde hic adolescens ortus erat: qui post  
 redditum à scola & institutione, qua fuisset apud Berytū  
 educatus, patre illius iam principatum totius patriæ oc-  
 cupante, vitæ consuetudinem, qua cum patre & aliis co-  
 gnatis vtebatur, propterea quòd illi neutiquam animum  
 inducerent, ut secundum pietatis instituta vitâ degereret,  
 ferre nō poterat, sed tanquam diuino spiritu correptus,  
 & naturali quodam, imo cœlesti & vero sapientiæ amore  
 inflammatuſ, altiora animo complexus, quam quæ falsa  
 & vmbritilis mundi gloria fert, blandis corporis leno-  
 ciniis repudiatis, clam amicis & familiaribus suis aufu-  
 git: & nequaquam sumptuum, qui ipsi ad vitam necessa-  
 rio suppetere deberent, ullam curam habens, propter  
 spem & fidem in Deum, fuit à diuino spiritu ad viciem

C. xia-

## EVSEBII HISTORIAE

Cæfaream tanq; manu deductus: in qua martyrij corona,  
que est merces pietatis, ei preparata fuit. Dū erat nobiscū  
vnā ex sacris literis exiguo illo téporis spatio, quo vixit,  
tantū percepit fructus, quantū à quoq; percipi poterat,  
& disciplina ad pie viuendū aptissima seipsum exercens,  
attentissime viam ad mortem muniuit. Quinetiam qua-  
lem vitæ exitum declararit, quis est, qui in eum intuēdo  
nō obstupesceret? Aut quotus quisq; rursus est, qui eius  
animi fidentiam, liberam mentis celsitatē, cōstantiam, &  
maximè omniū fiduciam, & conatū ipsum, in quibus argu-  
mēta veræ in Deum pietatis & feruentis spiritus, qui pla-  
nē supra hominē putandus est, perspicue apparuerūt, nō  
fama & audītione affecutus, optimo iure admiraretur?  
Nam cū tertio anno persecutio[n]is nostræ, regnāte Maxi-  
mino, secūdus in nos cieretur tumultus, & tyranni literę  
tū primū ad Vrbanū platæ essent, vt oēs cuiusq; generis  
& ætatis (magistratibus in quaq; ciuitate omni cura ac  
studio in eā ré iracubētibus) diis eorum immolarent, &  
præcones per totā vrbē Cæsareā viros cū vxoribus & li-  
beris ad idolorū delubra ex edicto præsidis conuocarēt,  
& tribuni itē quemq; ex scripto nominatim appellarent  
(vnde oīa loca inexplicabilibus miseriarū fluctibus re-  
dūdabant) Iste quē dixi Apphianus (nemine quid esset  
facturus ei cōscio) clā nobis qui in ædibus cum illo era-  
mus, clam etiā vniuersa præsidis cohorte, fidēti aīo ad  
Vrbanū iā sacrificantē accedit: atq; audacter & absq; for-  
midine eius dextrā præhendēs, extēplo ab immolando  
coercuit, prudēterq; admodū & grauiter cū diuina qua-  
dā animi cōfessione & alacritate ab errore desistere hor-  
tatus est. Nā parū rectū esse, vt vno & solo vero Deo re-  
lido, idolis & dēmonibus hostias offerret. Istud planē, vt  
videtur adulescētulus aggressus est diuina vi & potētia,  
ipsum ad hanc ré impellente, & per facinus ab illo admis-  
sum pene in aures omnium inclamante, tantum abesse vt  
vt Christiani, qui hoc nomen verē v̄surpant, à pietate in  
Deum omniū aūthorē, qua semel sunt imbuti abducātur,  
vt nō modo minas, terrores, & oīa suppliciorum genera,  
quæ eosdē sequi solēt, si renue superēt, sed deinceps etiā  
magis fidēter lōqui, & lingua ingenua ac neutiquā metu  
hæsitante

hæbitante, fidè libere cōfiteri, & si fieri posset, etiam per-  
 secutores ipsos & carnifices ab ignorationis cæcitate  
 auocare, & ad vnum solum Deum agnoscendū impelle-  
 re audeant. Hac igitur de causa, iste de quo instituitur  
 oratio, cōfestim (quod verisimile erat homini in tali fa-  
 cinore deprehenso euenturum) à p̄fecti stipatoribus,  
 tanq̄ agrestibus belluis in eum furentibus dilaniatus, &  
 infinitis plagiis toto corpore quas fortissime sustinebat,  
 excruciatus, ad tēpus in carcerē cōcluditur. In quo vnū  
 diem noctemq; vtroq; pede compedibus ad cruciatum  
 paratis, longe à se mutuo distento diuexatus, postridie  
 ad iudicem educitur. Ac simul atq; compellebatur ad sa-  
 crificandum restitit, & summam animi tolerantiā ad ærū-  
 nas horrédosq; dolores ferēdos mōstrauit: adeo ut car-  
 nifices latera eius nō semel atq; iterū, sed s̄epius ad ossa  
 vsq; & intima viscera dilacerare, plagas & verbera in oīs  
 & ceruicē infligere pergerent, vti vultus eius verberum  
 vibicibus intumescēs, ab iis qui illum probe & accurate  
 ante de facie nouissent, ne agnosci quidē amplius posset.  
 Verū cum ne huic quidem dolorū cumulo vlla ex parte  
 succüberet, tortores ex mādato p̄fidis, pedes lino tin-  
 cito oleo, eoq; incēso obuoluētes, afflictarūt, vnde quan-  
 tos & quā graues dolores beatus ille exhauserit, mihi vi-  
 det nō posse dicēdo exprimi. Peruersit enī per carnes il-  
 lius easq; absumpfit, & in osciū penetrauit medullas, vsq;  
 adeo ut totius corporis humor in star ceræ tabefactus li-  
 quesceret destillaretq;. Cæterū ne in his quidē cruciati-  
 bus demisit aīm, sic vt iam aduersarii & carnifices incre-  
 pibili eius tolerātia, quę cōmunē hoīs naturālōge supera-  
 uit, fere defessi essent: vnde rursus in vincula compingi-  
 tur. Triduo post ad iudicē denuo productus, & eandem  
 pietatis cōfessionē liberè exprimēs, licet iam deinceps  
 prope mortuus esset, maris tamē fluctibus submergēdus  
 traditur. Miraculum autē quod statim post est consecu-  
 tum, si à nobis cōmemoretur, verisimile est nullam fidei  
 habiturum, apud eos p̄fertim, qui eandem oculis mi-  
 nimē ipsi conspexerint: at licet homines vix fidē illi ad-  
 habituros satis intelligamus, ratio tamē nō patitur, quin  
 omnino rē vt gesta erat scriptis p̄damus: q̄ppe cum oīs

(vcf)

## EVSEBII HISTORIAE

(verè dixerim) qui Cæsaream incolunt, eiusdem testes habere videamus. Nulla enim ætas Cæsariensium ab isto admirabili spectaculo absuit. Simil atque igitur sanctissimum illum & beatissimum Christi martyrem mediomari, ut illis videbatur, in profundissimos vortices conicerant, ex improviso tanta procella, non visitata illa quidem, tanta etiam turbatio, non per mare solum, sed per vniuersam continentem se diffundebat, ut cum terra, cum tota ciuitas, eius impetu & violentia concutetur: atque una cum illo mirando & repentino terræ motu, ipsum mare martyris cadaver, ut pote tam sacrum pondus sustinere non valens, ante portas ciuitatis eiiceret. Eiusmodi igitur sunt res gestæ sancti Apphiani, qui die Parasceues, hoc est secundo die mensis Xanthici, id est, ad quartum Non. Aprilis, martyrio occubuit.

*De Vlpiano & Aedetio Martyribus.*

CAP. XV.

**E**odem tempore, iisdemque ferè diebus, in ciuitate Tyriorum adolescens nomine Vlpianus, post acerbissimas plagas, & verbera grauissima, in pellem bubulam iam nuper extractam cum cane, & aspide inuolutus, præcepis in mare deiicitur. Quapropter videtur mihi merito post res Apphiani in martyrio gestas, in sermone nostro recensendus. Non longo tempore post Aedesius non solum Apphani secundum Deū, sed etiam secundum sanguinis coniunctionem ex patre germanus frater, germana ferè & similia cum illo tormenta persperfus, post infinitas fidei confessiones, post diuturnas vinculorum afflictiones, post latam à præside sententiam, qua ad metalla in Palæstina erat damnatus, post vitæ rationem quam pallio vestitus, more Philosophi (etenim plus politioris eruditio, plusque cognitionis in Philosophia fuerat quam frater adeptus) sanctissime traduxerat, tandem cum iudicem in vrbe Alexandria sententiam de Christianis pronuntiantem videret, & plus æquo in eos furentem (quippe viros interdum graues & modestos variis ignominiae notis affecit, interdum & mulieres